



Pronalazak droge, vatrenog oružja i municije

23.06.2022

Dana 22.06.2022.godine policijski službenici Odjeljenja za borbu protiv zloupotrebe opojnih droga – Uprave policije MUP-a KS su, poduzimajući aktivnosti iz svoje nadležnosti, u ul. Kemala Kapetanovića, područje općine Novo Sarajevo, izvršili kontrolu i lični pretres lica E.G. rođen 1991.godine iz Sarajeva. Tom prilikom je kod E.G. pronađeno: 9 pvc kesica sa patent zatvaračem i logom lista marihuane sa sadržajem suhe zeljaste materije koja svojim izgledom asocira na opojnu drogu marihuanu, 2 pvc paketića sa sadržajem NN bijele materije, koja svojim izgledom asocira na opojnu drogu amfetamin-spilid i jedan mobilni telefon.

Istog dana, na osnovu naredbe Općinskog suda u Sarajevu i pod nadzorom postupajućeg tužioca Kantonalnog tužilaštva Kantona Sarajevo, policijski službenici su izvršili pretres stana koji koristi E.G., a koji je lociran u ul. Kemala Kapetanovića, područje općine Novo Sarajevo. Tom prilikom je pronađeno i uz potvrdu o privremenom oduzimanju predmeta oduzeto:

- Jedna pvc kesa, hermetički zavarena, sa sadržajem suhe zeljaste materije koja asocira na opojnu drogu marihuanu, bruto mase oko 500 grama,
- Tri pvc kesice sa sadržajem suhe zeljaste materije koja asocira na opojnu drogu marihuanu,
- Jedna pvc kesica sa patent zatvaračem sa sadržajem NN materije bijele boje, koja asocira na opojnu drogu spilid,
- Jedna rolna pvc folije,
- Jedan aparat za zavarivanje i vakumsko pakovanje pvc folija sa tragovima suhe zeljaste materije,
- Jedna digitalna vaga sa tragovima suhe zeljaste materije koja asocira na opojnu drogu marihuanu,
- Jedna automatska puška cal. 7,62 mm, sa skinutim drvenim kundakom,
- Jedna automatska puška sa preklopnim kundakom, cal 7,62 mm,
- Šest pakovanja sa po 20 komada metaka cal. 7,62 mm,
- Jedno pakovanje sa 15 komada metaka cal. 7,62 mm,
- Jedno pakovanje sa 14 komada metaka cal. 7,62 mm,
- Jedan okvir za automatsku pušku u kojem se nalazi 25 komada metaka cal. 7,62 mm.

O poduzetim mjerama obaviješten tužilac Kantonalnog tužilaštva Kantona Sarajevo, a lice E.G. je zbog postojanja osnova sumnje da je počinio krivično djelo iz člana 238. KZ F BiH (nedozvoljena proizvodnja i stavljanje u promet opojnih droga) i krivično djelo iz člana 371. KZ F BiH (nedozvoljeno držanje oružja ili eksplozivnih materija), predato u prostorije za zadržavanje osoba lišenih slobode MUP-a Kantona Sarajevo. Policijski službenici nastavljaju rad na dokumentovanju navedenih krivičnih djela.

